



SOALAN-SOALAN LAZIM (FAQ)
PROGRAM INSENTIF PENGAMBILAN PEKERJA DAN PROGRAM LATIHAN,
PROGRAM PERANTISAN
PENJANA KERJAYA 2.0

- 1. Apakah yang dimaksudkan dengan Program Perantisan PERKESO?**
 - Program Perantisan merupakan program di bawah Kementerian Sumber Manusia (PERKESO) bagi memberi pengalaman bekerja jangka pendek sepenuh masa sekurang-kurangnya 3 bulan.
 - Objektif program ini adalah untuk meningkatkan pengetahuan dan kemahiran belia dalam alam pekerjaan melalui latihan *on-the-job-training* bagi meningkatkan kebolehpasaran mereka.

- 2. Siapakah yang layak memohon program ini?**
 - Majikan yang menggajikan seseorang graduan atau lepasan sekolah yang berumur di antara 18 – 30 tahun;
 - Calon yang digajikan hendaklah merupakan dari kalangan lepasan sekolah dan graduan yang masih menganggur dan tidak mempunyai pekerjaan yang tetap; dan
 - Majikan boleh menggajikan mana – mana Perantis yang mengikuti Program Perantisan yang dilaksanakan oleh **syarikat dan badan-badan berkanun yang diasingkan saraan.**

- 3. Siapakah yang tidak layak memohon di bawah program ini?**
 - Syarikat yang mengambil pelajar menjalani Latihan Industri (*Internship*);
 - Pelajar yang masih belum tamat pengajian; dan
 - Bukan warganegara

4. Adakah syarikat perlu berdaftar dan mengiklankan program perantisan di portal myfuturejobs?

- Ya. Syarikat perlu berdaftar dan mengiklankan Program Perantisan di Portal MYFutureJobs.

5. Berapakah kadar bayaran elaun / gaji minimum yang perlu dibayar kepada perantis?

- Majikan hendaklah membayar elaun / gaji minimum tidak kurang daripada RM1,200 sebulan mengikut tempoh perantisan; dan
- Majikan layak membuat tuntutan di bawah PenjanaKerjaya 2.0 (2021) sebanyak RM1,000 untuk tempoh 3 bulan.

6. Adakah perantis yang diambil bekerja di bawah program perantisan ini perlu mencarum dengan perkeso?

- Ya. Setiap perantis yang diambil bekerja di bawah program ini perlu mencarum dengan PERKESO.

7. Bilakah tarikh tutup program perantisan di bawah program penjanakerjaya 2.0?

- Tarikh mula permohonan insentif Program Perantisan ini dibuka mulai 1 Januari 2021;
- Tarikh akhir permohonan adalah pada 30 Jun 2021; dan
- Sekiranya permohonan dibuat pada 30 Jun 2021, majikan layak membuat tuntutan bagi elaun / gaji bulan Julai, Ogos dan September 2021.

8. Sekiranya perantis berkenaan diserap sebagai pekerja tetap, adakah majikan layak memohon insentif penjanakerjaya 2.0 di bawah kategori pekerja?

- Ya. Majikan layak memohon insentif Penjanakerjaya 2.0 dibawah kategori kurang daripada 40 tahun bagi tempoh maksima **3 bulan**;

- Hanya program Perantisan yang telah diluluskan, layak membuat permohonan bagi tambahan insentif 3 bulan; dan
- Di bawah Insentif PenjanaKerjaya 2.0, pekerja hendaklah dibayar gaji minimum tidak kurang daripada RM1,500, di mana majikan boleh memohon insentif Pengambilan Pekerja di antara 40% hingga 60% daripada gaji yang ditawarkan tertakluk kepada had siling gaji maksimum RM10,000 sebulan.

9. Sekiranya perantis tidak dibayar elaun / gaji, kepada siapakah mereka boleh membuat aduan?

- Perantis yang tidak dibayar elaun / gaji, mereka boleh membuat aduan di PERKESO melalui emel penjanakerjaya@perkeso.gov.my.

10. Bilakah Program Latihan PenjanaKerjaya 2.0 mula dilaksanakan dan siapakah yang layak mengikuti latihan?

- Permohonan Program Latihan PenjanaKerjaya 2.0 oleh majikan boleh dilaksanakan mulai 1 Januari 2021 setelah majikan menerima kelulusan permohonan daripada PERKESO; dan
- Majikan dan perantis yang telah diluluskan di bawah Insentif PenjanaKerjaya 2.0 sahaja layak dipertimbangkan untuk mengikuti latihan.

11. Apakah syarat kelayakan majikan untuk mengikuti Program Latihan PenjanaKerjaya 2.0?

- Majikan yang mengambil perantis di bawah PenjanaKerjaya layak memohon untuk pekerjanya menjalani latihan semula atau peningkatan kemahiran berdasarkan keperluan pekerjaan atau perusahaan berkenaan;
- Hanya kursus yang dikenalpasti bersesuaian dengan keperluan industri akan diluluskan; dan
- Setiap perantis yang tersenarai di bawah PenjanaKerjaya 2.0 hanya boleh mengikuti 1 kursus sahaja.

12. **Apakah bidang kursus yang ditawarkan di bawah Program Latihan PenjanaKerjaya 2.0?**
- **Program Latihan PenjanaKerjaya 2.0** adalah terbuka kepada semua bidang pekerjaan dan perusahaan seperti yang disenaraikan di laman sesawang <https://eiscentre.perkeso.gov.my/vocational-training/>
13. **Apakah yang perlu dilakukan oleh majikan sekiranya permohonan latihan ditolak?**
- Majikan boleh membuat permohonan semula dengan memilih kursus yang bersesuaian mengikut keperluan industri bagi pertimbangan PERKESO.
14. **Adakah majikan / perantis perlu membuat sebarang pembayaran kepada Penyedia Latihan bagi tujuan permohonan latihan?**
- Tidak. Majikan / perantis tidak perlu membuat sebarang pembayaran kepada Penyedia Latihan.
15. **Bolehkah majikan / perantis boleh membuat permohonan secara terus kepada Penyedia Latihan?**
- **Tidak. PERKESO tidak melantik mana-mana agen** untuk membantu majikan atau perantis membuat permohonan. Segala permohonan mestilah dilakukan oleh majikan sendiri melalui Portal PenjanaKerjaya sahaja.

- Maklumat terperinci berkaitan Program Latihan PenjanaKerjaya 2.0 adalah seperti berikut :

Butiran	Program Latihan PenjanaKerjaya 2.0
	Perantis
Kelayakan Yuran	Maksimum RM4,000
Tempoh Latihan	Maksimum 30 hari
Jenis Persijilan	Sijil Kehadiran atau Pensijilan Professional

Sebarang pertanyaan, sila berhubung dengan Pegawai Perkhidmatan pelanggan PERKESO di talian 03-8091 5300 / 1-300-22-8000 atau e-mel kepada penjanakerjaya@perkeso.gov.my

PERTUBUHAN KESELAMATAN SOSIAL (PERKESO)

Dikemaskini pada 23 Disember 2020